

godine
odine u
VNJAK
odine u
JUGIĆ
odine u
IC RA-
392/95)
broj D
C MIR-
Bosne i
398/95)
broj S
HMUT
ercego-
399/95)

SLUŽBENI LIST
REPUBLIKE BOSNE I HERCEGOVINE



СЛУЖБЕНИ ЛИСТ
РЕПУБЛИКЕ БОСНЕ И ХЕРЦЕГОВИНЕ

Godina IV - Broj 21

Subota, 3. juna/lipnja 1995.
SARAJEVO

Akontacija pretplate
se utvrđuje
kvartalno

270

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O PORESKOJ UPRAVI

Proglašava se Zakon o poreskoj upravi, koji je Skupština Republike Bosne i Hercegovine donijela na sjednici Skupštine od 21. maja 1995. godine.

PR broj 1807/95
1. juna 1995. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON
O PORESKOJ UPRAVI

I - OSNOVNE ODREDBE

Član 1.

Ovim zakonom uređuje se djelokrug, organizacija i način rada Poreske uprave, kao i druga pitanja od značaja za jedinstveno funkcionisanje Poreske uprave.

Član 2.

Poreska uprava je uprava u sastavu Ministarstva finansija - Ministarstva financija.

Sjedište Poreske uprave je u Sarajevu.

Poreska uprava djeluje pod nazivom: Ministarstvo finansija - Ministarstvo financija Poreska uprava.

II - DJELOKRUG PORESKE UPRAVE

Član 3.

Poreska uprava obavlja slijedeće poslove:

1. organizira i koordinira, prati i nadzire naplatu javnih prihoda;
2. prikuplja, evidentira i obrađuje podatke bitne za razrez i plaćanje poreza, doprinosa, taksa i drugih javnih prihoda;
3. utvrđuje poreske obaveze pravnih i fizičkih lica;
4. provjerava ispravnost i potpunost podnijetih poreskih prijava;
5. obavlja inspeksijski nadzor kod poreskih obveznika radi utvrđivanja da li su pravilno i pravovremeno obračunate i izvršene poreske obaveze;
6. utvrđuje povrede zakonskih propisa, te vodi prekršajni postupak;
7. evidentira i obrađuje podatke o obračunatim i naplaćenim porezima;
8. prati i analizira primjenu poreskih propisa i poreskog sistema;

9. vrši prinudnu naplatu poreza, taksa i drugih javnih prihoda;

10. osigurava prikupljanje i automatsku obradu podataka o javnim prihodima putem jedinstvenog informacijskog sistema;

11. brine o razvoju i unapređenju poreskog sistema.

Poreska uprava može obavljati poslove evidencije, kontrole i naplate javnih prihoda za općine, prihoda fondova, kao i drugih javnih prihoda, na osnovu ugovora između Poreske uprave i korisnika usluge.

Sredstva iz stava 2. ovog člana su prihod republičkog budžeta, a mogu se koristiti za unapređenje rada Poreske uprave.

III - ORGANIZACIJA I RUKOVOĐENJE

Član 4.

Poreska uprava poslove iz svog djelokruga obavlja u Središnjem uredu u Sarajevu i u područnim uredima.

Područni uredi osnivaju se u pravilu za područje okruga, odnosno grada Sarajeva i imaju svoje ispostave u općinama.

Organizacija Središnjeg ureda, područnih ureda i njihovih ispostava uređuje se propisima kojima se uređuje organizacija i rad organa državne uprave.

Pravilnikom o unutrašnjoj organizaciji Ministarstva finansija - Ministarstva financija uređuje se organizacija Poreske uprave.

Član 5.

U Središnjem uredu obavljaju se slijedeći poslovi:

1. priprema dokumentacijskih i analitičkih materijala za izradu nacarta zakona i prijedloga drugih propisa iz oblasti poreza, doprinosa, taksa i drugih javnih prihoda;
2. osiguravanje jedinstvenog provođenja zakona i drugih propisa iz oblasti poreza, doprinosa, taksa i drugih javnih prihoda;
3. davanje uputa, objašnjenja i mišljenja o primjeni propisa iz oblasti poreza, doprinosa, taksa i drugih javnih prihoda;
4. inspeksijski nadzor u primjeni propisa iz oblasti poreza, doprinosa, taksa i drugih javnih prihoda radi jedinstvenog i tačnog utvrđivanja i naplate javnih prihoda u područnim uredima, a po potrebi i kod poreskih obveznika;
5. praćenja stanja u oblasti naplate javnih prihoda i izrada izvještaja i analiza o izvršavanju obaveza plaćanja poreza, doprinosa, taksa i drugih javnih prihoda;
6. organizovanja automatske obrade podataka, te prikupljanje, evidentiranje i obrada podataka o javnim prihodima, putem jedinstvenog informacionog sistema;
7. rješavanje po žalbama protiv rješenja područnih ureda;
8. osiguravanje saradnje stručnih i naučnih ustanova u uspostavljanju i funkcioniranju poreskog sistema;

9. organiziranje i provođenje stručnog usavršavanja, obuke i instruktaze radnika Poreske uprave putem savjetovanja, seminara i na drugi način;

10. obavljanje i drugih poslova koji se odnose na poreski sistem i njegovo funkcioniranje.

Za obavljanje poslova automatske obrade podataka unutar Središnje poreske uprave formira se posebna organizaciona jedinica.

Član 6.

U područnim uredima Poreske uprave obavljaju se sljedeći poslovi:

1. praćenje i koordiniranje rada ispostava Poreske uprave na svom području;

2. osiguravanje jedinstvenog djelovanja u utvrđivanju, inspekcijском nadzoru i naplati poreza, doprinosa, taksa i drugih javnih prihoda, te ujednačavanje djelovanja u vođenju prekršajnog postupka;

3. inspekcijски nadzor poreskih obveznika radi utvrđivanja i naplate javnih prihoda;

4. preduzimanje mjera za efikasnu i racionalnu naplatu poreza, doprinosa, taksa i drugih javnih prihoda od pravnih i fizičkih lica na svom području, unapređivanjem rada i obukom kadrova u ispostavama;

5. objedinjavanje podataka poreskih ispostava koji se odnose na javne prihode, te izvještavanje o tim podacima Središnje Poreske uprave;

6. praćenje i analiziranje funkcioniranja poreskog sistema, te predlaganje rješavanja pojedinih pitanja radi brže i efikasnije naplate javnih prihoda;

7. obavljanje drugih poslova po nalogu direktora Poreske uprave.

Član 7.

U ispostavama područnih ureda obavljaju se sljedeći poslovi:

1. prikupljanje, evidentiranje i obrada podataka bitnih za razrez poreza, doprinosa, taksa i drugih javnih prihoda koje plaćaju pravna i fizička lica;

2. utvrđivanje poreskih obaveza po osnovu poreza na promet, poreza na dobit preduzeća, poreza građana i drugih poreza i dažbina koje plaćaju pravna i fizička lica;

3. provjera ispravnosti poreskih prijava poreza na promet, poreza na dobit preduzeća, poreza građana i drugih vrsta poreza i dažbina;

4. naplata poreza, doprinosa, taksa i drugih dažbina od pravnih i fizičkih lica;

5. provjera prijavljivanja poreza na promet, poreza na dobit preduzeća, poreza građana i drugih vrsta poreza koji plaćaju pravna i fizička lica;

6. inspekcijски nadzor poreskih obveznika u cilju utvrđivanja da li su pravilno i pravovremeno obračunate i plaćene poreske obaveze;

7. vođenje prekršajnog postupka zbog povrede propisa o porezima i dažbinama koje su u nadležnosti Poreske uprave;

8. skupljanje podataka o obračunatim i naplaćenim javnim prihodima radi njihovog evidentiranja i praćenje putem jedinstvenog informacijskog sistema i davanje izvještaja o evidentiranim podacima;

9. praćenje i analiziranje funkcioniranja poreskog sistema i upoznavanje sa stanjem u toj oblasti načelnika područnog ureda, a po zahtjevu i direktora Poreske uprave;

10. obavljanje drugih poslova po nalogu direktora Poreske uprave ili načelnika područnog ureda.

Član 8.

Poreskom upravom rukovodi direktor koji je ujedno i rukovodilac Središnjeg ureda Poreske uprave.

Direktora postavlja i razrješava Vlada Republike Bosne i Hercegovine (u daljem tekstu: Vlada Republike) na prijedlog ministra finansija-ministra financija.

Direktor Poreske uprave za svoj rad odgovoran je ministru finansija-ministru financija i Vladi Republike.

Radom područnog ureda Poreske uprave rukovodi načelnik, koga postavlja direktor Poreske uprave.

Radom ispostave područnog ureda rukovodi šef ispostave, kojeg na prijedlog načelnika područnog ureda postavlja direktor poreske uprave.

IV - INSPEKCIJSKI NADZOR

Član 9.

Inspekcijски nadzor obračunavanja i plaćanja poreza, doprinosa, taksa i drugih javnih prihoda kod poreskih obveznika (pravnih i fizičkih lica) obavlja inspektor Poreske uprave (u daljem tekstu: inspektor).

Oblik i sadržaj službene legitimacije inspektoru propisuje ministar finansija-ministar financija.

Službenu legitimaciju inspektoru izdaje direktor Poreske uprave.

Član 10.

Inspektor iz člana 9. ovog zakona u obavljanju inspekcijskog nadzora može pregledati dokumentaciju, poslovne knjige i druge isprave radi utvrđivanja da li su poreske obaveze obračunate, iskazane, te uredno i pravovremeno izmirene, može pregledati prostorije, proizvodnju, robu, uređaje i opremu, utvrđivati identitet lica koji obavljaju djelatnost i poslovne, finansijske ili računovodstvene poslove, te uzimati od njih izjave u vezi s obračunavanjem, evidentiranjem i plaćanjem poreza, doprinosa, taksa i drugih dažbina i njihovim radom.

Član 11.

U obavljanju poslova iz svog djelokruga inspektor može privremeno oduzeti, do donošenja rješenja o izvršenom prekršaju, ili privrednom prijestupu, odnosno presude o izvršenom krivičnom djelu, novac, vrijednosne papire, dokumentaciju i predmete koji u prekršajnom ili krivičnom postupku mogu poslužiti kao dokaz.

O privremenom oduzimanju predmeta izdaje se potvrda.

Član 12.

O obavljenom inspekcijском nadzoru inspektor sastavlja zapisnik.

Jedan primjerak zapisnika dostavlja se poreskom obvezniku kod kojeg je obavljen nadzor.

Na zapisnikom utvrđeno stanje poreski obveznik može organu koji je obavio inspekcijски nadzor staviti prigovor. Rok unutar kojeg se može dati prigovor utvrđuje se u zapisniku, s tim da ne može biti kraći od 3 ni duži od 15 dana od dana prijema zapisnika.

Ukoliko su zapisnikom utvrđene nezakonitosti i nepravilnosti u pogledu obračuna, evidentiranja i plaćanja poreza i drugih dažbina, inspektor će rješenjem naložiti uplatu poreza, odnosno otklanjanje nezakonitosti ili nepravilnosti.

Rješenje se neće donositi ukoliko je uplata poreza izvršena odnosno nezakonitosti i nepravilnosti otklonjene prilikom pregleda.

Na rješenje kojim se nalaže uplata poreza, odnosno otklanjanje utvrđenih nezakonitosti i nepravilnosti može se izjaviti žalba Središnjem uredu Poreske uprave u roku od 15 dana od dana prijema rješenja.

Žalba ne odlaže izvršavanje rješenja.

Član 13.

Ako inspektor utvrdi radnje koje imaju obilježje prekršaja, privrednog prijestupa ili krivičnog djela podnijet će zahtjev za vođenje prekršajnog postupka nadležnoj ispostavi, odnosno prijavu za vođenje krivičnog postupka nadležnom organu.

Član 14.

Ako ovim zakonom nije neko pitanje uređeno, na poslove inspekcijskog nadzora, shodno se primjenjuju odredbe Zakona o državnoj upravi - Prečišćeni tekst ("Službeni list RBiH", broj 26/93) i Zakona o općem upravnom postupku ("Službeni list RBiH", br. 2/92 i 6/92).

V - SREDSTVA ZA RAD PORESKE UPRAVE

Član 15.

Sredstva za rad Poreske uprave osiguravaju se u republičkom budžetu.

Sredstva za plate radnika Poreske uprave osiguravaju se na osnovu kriterija po kojima se osiguravaju plate radnika u republičkom budžetu i uvećavaju se inspektorima za 30% zbog posebnih uvjeta rada i prirode obavljanja poslova.

Vlada Republike na prijedlog ministra finansija - ministra finansija može utvrditi iznos dopunskih sredstava za unapredenje rada i stimuliranje rada radnika Poreske uprave.

VI - NAČIN RADA PORESKE UPRAVE

Član 16.

Za rješavanje u upravnim stvarima u prvom stepenu nadležni su područni uredi.

Za rješavanje u upravnim stvarima u drugom stepenu nadležan je Središnji ured.

Rješenje koje donosi Središnji ured je konačno u upravnom postupku.

Član 17.

Rad Poreske uprave je javan.

Podaci o poreskim osnovicama, o razrezanom plaćenom i nenaplaćenom porezu u visini u kojoj ih je prijavio poreski obveznik, odnosno koji su utvrđeni u postupku razreza i inspekcijanskog nadzora obračunavanja i plaćanja poreza su javni.

Drugi podaci koje službeno lice zna o djelatnosti i poslovanju poreskog obveznika u postupku inspekcijanskog nadzora i razreza poreza službena su tajna.

Član 18.

Poreska uprava u obavljanju poslova iz svog djelokruga saraduje sa Finansijskom policijom - Finansijskom policijom i drugim organima državne uprave, nadležnim sudovima, Zavodom za platni promet i drugim odgovarajućim organima.

VII - PRIJELAZNE I ZAVRŠNE ODREDBE

Član 19.

Organizacija i djelokrug rada Poreske uprave uskladit će se sa odredbama ovog zakona najkasnije u roku od 90 dana od dana stupanja na snagu ovog zakona.

Član 20.

Do organizovanja Poreske uprave poslove Poreske uprave obavljat će uprava prihoda u općinama: Poreska uprava, Finansijska policija - Finansijska policija i Služba društvenog knjigovodstva Bosne i Hercegovine u pogledu poslova koji se odnose na poslove finansijske inspekcije.

Radnici uprava prihoda u općinama i radnici Službe društvenog knjigovodstva koji obavljaju poslove finansijske inspekcije preuzimaju se u Poresku upravu.

Prezeti radnici iz stava 2. ovog člana rasporedit će se na odgovarajuće poslove ako ispunjavaju uvjete propisane Zakonom o državnoj upravi i Pravilnikom o unutrašnjoj organizaciji Ministarstva finansija - Ministarstva finansija.

Član 21.

Ministar finansija - ministar finansija uskladit će Pravilnik o unutrašnjoj organizaciji Ministarstva finansija - Ministarstva finansija sa odredbama ovog zakona u roku od 30 dana od dana stupanja na snagu ovog zakona.

Član 22.

Danom stupanja na snagu ovog zakona Ministarstvo finansija - Ministarstvo finansija Poreska uprava preuzima i nastavlja koristiti prostorije i opremu koju koriste uprave prihoda općina.

Odluku o utvrđivanju i preuzimanju imovine, arhive i dokumentacije što se odnosi na preuzete poslove i radnike od Službe društvenog knjigovodstva, donosi Vlada Republike na

osnovu usaglašenog prijedloga Službe društvenog knjigovodstva Bosne i Hercegovine i ministra finansija - ministra finansija.

Član 23.

Danom stupanja na snagu ovog zakona prestaje da važi Zakon o upravama društvenih prihoda ("Službeni list SR BiH", br. 41/87, 19/90 i 27/91).

Član 24.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

271

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O PLAĆAMA I DRUGIM LIČNIM PRIMANJIMA RADNIKA

Prolašava se Zakon o plaćama i drugim ličnim primanjima radnika, koji je Skupština Republike Bosne i Hercegovine donijela na sjednici Skupštine od 21. maja 1995. godine.

PR broj 1809/95
1. juna 1995. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON

O PLAĆAMA I DRUGIM LIČNIM PRIMANJIMA RADNIKA

Član 1.

Ovim zakonom ureduju se plaće i druga lična primanja radnika u djelatnostima: organa Republike Bosne i Hercegovine (u daljem tekstu: Republika) i organa društveno-političkih zajednica; obrazovanja; kulture, umjetnosti i informisanja; fizičke kulture i sporta; naučno-istraživačkoj djelatnosti; zdravstvenoj zaštiti, kao i u javnom poduzeću i ustanovi i drugom pravnom licu koji su korisnici sredstava budžeta društveno-političkih zajednica; komori; sindikatu; političkoj i društvenoj organizaciji; Narodnoj banci Bosne i Hercegovine (u daljem tekstu: Narodna banka) i Zavodu za platni promet Bosne i Hercegovine (u daljem tekstu: poduzeće i drugo pravno lice).

Odredbe ovog zakona odnose se i na oružane snage Republike Bosne i Hercegovine, ako zakonom ili drugim propisom nije drukčije određeno.

Član 2.

Plaća radnika, u smislu ovog zakona, su sva novčana primanja koja radnik ostvari po osnovu radnog odnosa.

Član 3.

Poduzeće i drugo pravno lice i samostalni privrednik, koji nisu obuhvaćeni članom 1. ovog zakona, uređuje plaće radnika, pod uvjetom da osnovica za obračun i isplatu plaća ne može biti manja od najniže plaće utvrđene u članu 4. stav 1. ovog zakona.

Član 4.

Vlada Republike Bosne i Hercegovine (u daljem tekstu: Vlada RBiH) za poduzeće i drugo pravno lice iz čl. 1. i 3. ovog zakona, na prijedlog Ministarstva za izbjeglice i socijalnu politiku i Ministarstva finansija, utvrđuje za svaki mjesec najnižu plaću.

Vlada RBiH, na prijedlog Ministarstva za izbjeglice i socijalnu politiku i Ministarstva finansija, može za poduzeće i drugo pravno lice iz člana 1. ovog zakona utvrditi za svaki mjesec najnižu plaću u manjem iznosu od iznosa utvrđenog u stavu 1. ovog člana.

Izuzetno od st. 1. i 2. ovog člana, za poduzeće i drugo pravno lice sa područja Okruga Bihać i Goražde i općine Srebrenica, najnižu plaću utvrđuje izvršni organ okruga odnosno općine.

Podatak o najnižoj plaći iz st. 1. i 2. ovog člana objavit će se u "Službenom listu RBiH".

Član 5.

Odnos između najniže i najviše plaće za poduzeće i drugo pravno lice iz člana 1. ovog zakona je 1:6. s tim da je za djelatnost Republike i organa društveno-političkih zajednica taj odnos 1:8.

Član 6.

Vlada RBiH, na prijedlog Ministarstva za izbjeglice i socijalnu politiku, Ministarstva finansija i Ministarstva inozemnih poslova, utvrđuje najnižu plaću u konvertibilnoj valuti za svaku pojedinu zemlju za radnike u diplomatsko-konzularnom predstavništvu i poduzeću i drugom pravnom licu iz člana 1. ovog zakona koji obavljaju poslove u inozemstvu.

Član 7.

Plaća radnika na području Okruga Bihać i Goražde i općine Srebrenica isplaćuje se u sredstvima plaćanja u kojima se obavlja platni promet.

Član 8.

Najniža plaća utvrđena u članu 4. stav 2. ovog zakona čini osnovicu za obračun plaće radnika iz člana 1. ovog zakona.

Član 9.

Plaća radnika iz člana 1. ovog zakona utvrđuje se prema vrsti i složenosti poslova izraženo po stepenima stručne spreme i stepenu naučnog zvanja ili drugog službenog zvanja utvrđenog zakonom ili općim aktom poduzeća i drugog pravnog lica, u okviru odnosa iz člana 5. ovog zakona, i to:

- plaću radnika utvrđuje direktor poduzeća i drugog pravnog lica odnosno drugi ovlašćeni radnik određen općim aktom,
- plaću direktora poduzeća i drugog pravnog lica utvrđuje nadležni organ u poduzeću i drugom pravnom licu određen općim aktom,

- plaću radnika, funkcionera i rukovodećeg radnika u djelatnosti organa društveno-političkih zajednica, u skladu sa zakonom, utvrđuje funkcioner koji rukovodi državnim organom, organ nadležan za imenovanje funkcionera odnosno postavljen je rukovodećih radnika.

Član 10.

Plaća radnika obračunata u skladu sa čl. 8. i 9. ovog zakona uvećava se za 0,5% (muškarac) odnosno 0,57% (žena) za svaku godinu penzijskog staža, s tim da ukupno povećanje ne može biti veće od 20%.

Član 11.

U poduzeću i drugom pravnom licu iz člana 1. ovog zakona po osnovu uslova rada (buka, vlaga, prašina, mračne prostorije, rad pri obojenoj svjetlosti, teški fizički napori i sl.), rada noću, kao i za rad gdje je propisana primjena sredstava zaštite na radu, plaća radnika obračunata u skladu sa čl. 8. i 9. ovog zakona, može se uvećati za 5% do 20%, što se utvrđuje općim aktom poduzeća i drugog pravnog lica.

Član 12.

Vlada RBiH, na prijedlog nadležnog ministarstva, može za određene radnike iz poduzeća i drugog pravnog lica iz člana 1. ovog zakona odobriti povećanje plaće radnika iznad povećanja utvrđenog u članu 11. ovog zakona, u skladu sa zakonom.

Član 13.

Poduzeće i drugo pravno lice i samostalni privrednik iz čl. 1. i 3. ovog zakona dužni su najmanje jedanput mjesečno obračunati i isplatiti plaće radnika u skladu sa Zakonom o finansijskom poslovanju ("Službeni list RBiH", br. 5/95 i 9/95).

Član 14.

U slučaju smrti radnika ili člana uže porodice i teške invalidnosti isplaćuje se novčava naknada u visini do pet prosječnih plaća ostvarenih u Republici prema posljednjem objavljenom podatku Državnog zavoda za statistiku ili u visini do pet posljednjih obračunatih ili isplaćenih plaća radnika, ako je to za radnika povoljnije.

Članom uže porodice, u smislu stava 1. ovog člana, smatraju se braćni drug i djeca, roditelji i unučad bez roditelja koje radnik izdržava živeći u zajedničkom domaćinstvu.

Član 15.

Vlada RBiH može za radnike u poduzeću i drugom pravnom licu iz člana 1. ovog zakona obezbijediti davanje pomoći u domaćoj i stranoj valuti i naturi.

Član 16.

Radnik ima pravo na naknadu za ishranu u toku rada u iznosu do najniže plaće iz člana 4. stav 1. ovog zakona.

Radniku se osigurava organizovana ishrana u toku rada, gdje je to moguće, u suprotnom se isplaćuje naknada u iznosu iz stava 1. ovog člana ili se u tom iznosu obezbjeđuje davanje u naturi.

Član 17.

Radniku kome nije organizovan prevoz na posao i sa posla, može se osigurati karta za prevoz u javnom saobraćaju.

Član 18.

Radnik ima pravo na otpremninu prilikom odlaska u penziju najmanje u visini od tri prosječne plaće ostvarene u Republici prema posljednjem objavljenom podatku Državnog zavoda za statistiku ili u visini najmanje tri posljednje obračunate ili isplaćene plaće radnika, ako je to za njega povoljnije.

Član 19.

Sva novčana primanja utvrđena drugim propisima, čija je visina određivana prema iznosu zakonom utvrđenog zagarantiranog ličnog dohotka radnika, utvrdit će se prema iznosu najniže plaće iz člana 4. stav 2. ovog zakona.

Član 20.

Inspeksijski nadzor nad izvršenjem ovog zakona vrši Finansijska policija.

Član 21.

Novčanom kaznom od 1.000 DEM do 30.000 DEM u dinarskoj protuvrijednosti po srednjem kursu, koji utvrđuje i objavljuje Narodna banka na dan uplate, kaznit će se za prekršaj poduzeće ili drugo pravno lice, ako:

1. ne izvrši najmanje jedanput mjesečno obračun i isplatu plaće (član 13.);
2. isplati plaću radniku manju od najniže plaće utvrđene ovim zakonom (član 4.);
3. plaću i druga lična primanja, osim davanja iz člana 15. ovog zakona, isplaćuju u stranoj valuti;
4. isplatu plaće vrši suprotno Zakonu o finansijskom poslovanju.

Za prekršaj iz stava 1. ovog člana kaznit će se i odgovorno lice u poduzeću i drugom pravnom licu novčanom kaznom od 500 DEM do 4.000 DEM u dinarskoj protuvrijednosti po srednjem kursu, koji utvrđuje i objavljuje Narodna banka na dan uplate.

Član 22.

Novčanom kaznom od 500 DEM do 4.000 DEM u dinarskoj protuvrijednosti po srednjem kursu, koji utvrđuje i objavljuje Narodna banka na dan uplate, kaznit će se za prekršaj samostalni privrednik, ako:

1. isplati plaću radniku manju od najniže plaće utvrđene ovim zakonom (član 3.);
2. ne isplati plaću radniku najmanje jedanput mjesečno (član 13.)

Član 23.

Danom stupanja na snagu ovog zakona na poduzeće i drugo pravno lice iz člana 1. ovog zakona neće se primjenjivati:

1. odredbe čl. 49. do 53. i odredbe člana 89. stav 1. tačka 9. Zakona o osnovnim pravima iz radnog odnosa ("Službeni list RBiH", br. 2/92 i 13/94);
2. odredbe člana 26. Zakona o radnim odnosima ("Službeni list SR BiH", broj 20/90).

Član 24.

Danom stupanja na snagu ovog zakona prestaje da važi Zakon o zajamčenom ličnom dohotku radnika ("Službeni list SR BiH", broj 38/91) i Zakon o platama i drugim ličnim primanjima radnika ("Službeni list RBiH", br. 5/93 i 13/94).

Član 25.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

272

Na osnovu člana 125. alineja 3. Zakona o unutrašnjim poslovima - Prečišćeni tekst ("Službeni list SRBiH", broj 18/90 i "Službeni list RBiH", br. 14/92, 11/93 i 13/94), Vlada Republike Bosne i Hercegovine, donosi

UREDBU

O ČINOVIMA, USLOVIMA ZA STICANJE ČINOVA I
OZNAKAMA ČINOVA U POLICIJI ZA VRIJEME
RATNOG STANJA ILI U SLUČAJU NEPOSREDNE
RATNE OPASNOSTI

I - OPŠTA ODREDBA

Član 1.

Ovom uredbom propisuju se činovi, uslovi za sticanje činova i oznake činova za pripadnike policije Ministarstva unutrašnjih poslova Republike Bosne i Hercegovine (u daljem tekstu: Ministarstvo) koji izvršavaju poslove i zadatke u uniformi i oznake dužnosti za radnike Ministarstva na određenim poslovima i zadacima, kao i posebne oznake pripadnika policije.

II - ČINOVI I USLOVI ZA STICANJE ČINOVA

Član 2.

Pripadnici policije imaju oznake činova, a radnici na određenim dužnostima oznaku dužnosti.

Član 3.

Činovi u policiji su: vodnik, narednik, nadnarednik, glavni narednik, zastavnik, poručnik, nadporučnik, kapetan, nadkapetan, major, pukovnik i brigadir.

Član 4.

Činovi se stiču prema poslovima i zadacima na koje se pripadnik policije raspoređi.

Poslovi i zadaci na kojima se mogu steći činovi za pripadnike policije su:

- 1) policajac - čin vodnika,

- 2) komandir tehničkog odjeljenja i voda patrole - čin narednika,

- 3) policajac specijalac, voda sektora, komandir odjeljenja u odredu za posebne namjene i voda grupe za kontradiverzionu zaštitu - čin nadnarednika, -

- 4) komandir odjeljenja u specijalnoj jedinici i komandir staničnog odjeljenja - čin glavnog narednika,

- 5) instruktor II kategorije, operativac za bezbjednost, stariji dežurni u odredu za posebne namjene, operativni dežurni u stanici javne bezbjednosti i rukovodilac smjene u policijskoj stanici - čin zastavnika,

- 6) komandir voda za obezbjeđenje, komandir logističke jedinice, pomoćnik komandira policijske stanice za posebne namjene, inspektor prekršajne saobraćajne delikvencije i pomoćnik komandira policijske stanice II i III kategorije - čin poručnika,

- 7) zamjenik komandira čete u odredu za posebne namjene, komandir voda u specijalnoj jedinici, instruktor u specijalnoj jedinici, operativni dežurni u centru službi bezbjednosti, zamjenik komandira policijske stanice za posebne namjene, inspektor krivične saobraćajne delikvencije i prevencije, operativni dežurni u policijskoj upravi, pomoćnik komandira policijske stanice I kategorije i zamjenik komandira policijske stanice II i III kategorije - čin nadporučnika,

- 8) zamjenik komandira u specijalnoj jedinici, pilot, komandir čete u odredu za posebne namjene, komandir policijske stanice za posebne namjene, komandir policijske stanice II i III kategorije i zamjenik komandira policijske stanice I kategorije - čin kapetana,

- 9) pomoćnik komandanta u specijalnoj jedinici, pomoćnik komandanta odreda za posebne namjene, operativac za planiranje borbenih dejstava, komandir čete u specijalnoj jedinici, zamjenik komandanta helikopterske eskadrile, komandir letačkog odjeljenja, inspektor u centru službi bezbjednosti, rukovodilac operativnog dežurstva u centru službi bezbjednosti, inspektor u policijskoj upravi, rukovodilac operativnog dežurstva u policijskoj upravi, načelnik stanice javne bezbjednosti II i III kategorije, zamjenik načelnika stanice javne bezbjednosti i komandir policijske stanice I kategorije - čin nadkapetana,

- 10) inspektor policije u sjedištu, načelnik štaba u specijalnoj jedinici, pomoćnik komandanta odreda "Bosna", komandant helikopterske eskadrile, zamjenik komandanta odreda za posebne namjene, instruktor I kategorije u sektoru za protivterorizam, nastavnik u sektoru za protivterorizam, načelnik odjeljenja policije u centru službi bezbjednosti, načelnik odjeljenja policije u policijskoj upravi i načelnik stanice javne bezbjednosti I kategorije - čin majora,

- 11) načelnik odjeljenja u sjedištu, komandant specijalne jedinice, načelnik štaba odreda "Bosna", komandant odreda za posebne namjene, načelnik policijskog sektora u centru službi bezbjednosti i načelnik u policijskoj upravi - čin pukovnika,

- 12) pomoćnik načelnika uprave policije u sjedištu, načelnik inspektorata, komandant odreda "Bosna" i načelnik centra službi bezbjednosti - čin brigadira.

Stanica javne bezbjednosti iz stava 2. ovog člana određuje se prema broju stanovnika u općini, i to:

- 1) stanica I kategorije u općini preko 50.000 stanovnika,
- 2) stanica II kategorije u općini sa manje od 50.000 stanovnika,
- 3) stanica III kategorije u općini sa manje od 25.000 stanovnika.

Izuzetno ministar unutrašnjih poslova (u daljem tekstu: ministar) može odrediti i druge poslove i zadatke u Ministarstvu, na kojima se mogu sticati činovi, o čemu donosi rješenje.

Član 5.

Čin se stiče na osnovu rješenja o rasporedu pripadnika policije na poslove i zadatke iz stava 2. člana 4. ove uredbe.

Ukoliko pripadnik policije nakon sticanja čina bude raspoređen na druge poslove i zadatke, odnosno dužnosti, stiče čin predviđen za poslove i zadatke na koje se raspoređuje, a ako se raspoređuje na poslove i zadatke koji se ne obavljaju u uniformi gubi čin.

Član 6.

Činove iz člana 3. ove uredbe mogu steći pripadnici policije koji obavljaju poslove i zadatke u uniformi i koji se rasporede na poslove i zadatke iz člana 4. stav 2. ove uredbe.

III - OZNAKE ČINOVA, DUŽNOSTI I POSEBNA OZNAKA

Član 7.

Činovi u policiji označavaju se prema sljedećem:

- 1) vodnik - pločica ravna,
- 2) narednik - jedna zvjezdica,
- 3) nadnarednik - dvije zvjezdice paralelne sa osnovom,
- 4) glavni narednik - tri zvjezdice rasporedene u obliku istostranog trougla,
- 5) zastavnik - četiri zvjezdice od čega dvije paralelne sa osnovom, a dvije u osi osnove,
- 6) poručnik - pločica i zvjezdica iznad,
- 7) nadporučnik - pločica i dvije zvjezdice iznad paralelne sa pločicom,
- 8) kapetan - pločica i tri zvjezdice iznad rasporedene u obliku istostranog trougla,
- 9) nadkapetan - pločica i četiri zvjezdice iznad od čega dvije paralelne sa osnovom, a dvije u osi osnove,
- 10) major - dvije pločice i zvjezdica iznad,
- 11) pukovnik - dvije pločice i dvije zvjezdice paralelno iznad,
- 12) brigadir - dvije pločice i tri zvjezdice iznad rasporedene u obliku istostranog trougla.

Skica oznaka činova propisanih u stavu 1. ovog člana nalazi se u prilogu ove uredbe i čini njen sastavni dio (Prilog broj 1).

Član 8.

Oznake dužnosti imaju ministar, zamjenik ministra, rukovodilac Službe državne bezbjednosti, pomoćnik ministra i sekretar Ministarstva.

Član 9.

Oznake dužnosti označavaju se prema sljedećem:

- 1) ministar - tri pločice i veća zvijezda sa vijencem,
- 2) zamjenik ministra - dvije pločice i veća zvijezda sa vijencem,
- 3) rukovodilac Službe državne bezbjednosti - jedna pločica i veća zvijezda sa vijencem,
- 4) pomoćnik ministra i sekretar Ministarstva - veća zvijezda sa vijencem.

Polaznik kursa za policajce opšteg smjera i srednje policijske škole nose oznaku sa pločicom u obliku oštrog ugla.

Skica oznaka dužnosti iz stava 1. ovog člana data je u prilogu ove uredbe i čini njen sastavni dio (Prilog broj 2).

Skica oznaka iz stava 2. ovog člana data je u prilogu ove uredbe i čini njen sastavni dio (Prilog broj 3).

Član 10.

Oznake činova iz člana 7. stav 1. i oznake dužnosti i druge oznake iz člana 9. st. 1. i 2. ove uredbe nalaze se na podlozi koja je od istog materijala i boje kao i uniforma, a za maskiranu uniformu jedne od boja predviđenih za tu uniformu. Podloga se navlači i pričvršćuje na naramenice uniforme s tim što se na maskirnoj uniformi može nositi na posebnoj podlozi koja se nalazi u sredini gornjeg dijela uniforme.

Podloga za činove iz stava 1. ovog člana duga je 150 mm a široka 60 mm, podloga za oznaku dužnosti duga je 150 mm i široka 65 mm i na kraju se završavaju pod ostrim uglom.

Posebna podloga za oznake činova i dužnosti koje se nose na maskirnoj uniformi je u obliku pravougaonika dužine 45 mm i širine 50 mm.

Skice oznaka na maskirnoj uniformi iz stava 3. ovog člana data je u prilogu ove uredbe i čini njen sastavni dio (Prilog broj 4).

Član 11.

Oznake zvjezdica iz člana 7. stav 1. ove uredbe su promjera 16 mm na najudaljenijim njenim tačkama i nalaze se udaljene 20 mm od osnove, odnosno 10 mm od pločice. Ukoliko u ravni postoji jedna zvjezdica, ista se nalazi u sredini podloge.

Kod oznaka dužnosti iz člana 9. stav 1. ove uredbe veća zvijezda je promjera 30 mm oko koje se nalazi vijenac u obliku lovorovog lista, čiji je vanjski kraj udaljen 10 mm od ruba podloge.

Oznake zvjezdica izrađuju se reljefno i u leguri (mesing) osim što se vijenac i velika zvijezda izrađuju u srebru preko koga se vrši pozlata (Ag 990/P24 K).

Oznake pločica iz člana 7. stav 1. i člana 9. stav 1. ove uredbe postavljaju se paralelno u odnosu na osnovu početka podloge, tako da je pločica udaljena 20 mm od ruba podloge za oznaku dužnosti, a 15 mm za oznaku čina. Dužina pločice je 50 mm, širina 6 mm, a debljina 2 mm i izrađuje se od legure (mesing). Razmak između pločica je 1,5 mm.

Oznaka pločice polaznika kursa za policajce opšteg smjera i srednje policijske škole izrađena je od legure (mesing) u obliku oštrog ugla koji zatvara ugao od 112 stepeni, sa kracima širine 6 mm, a debljine 2 mm. Širina osnove ugla je 50 mm.

IV - PRELAZNE I ZAVRŠNE ODREDBE

Član 12.

Ministar će u roku od 30 dana od dana stupanja na snagu ove uredbe izvršiti raspored pripadnika policije na poslove i zadatke i odrediti činove predviđene ovom uredbom.

Član 13.

Danom stupanja na snagu ove uredbe prestaje da važi Uredba o činovima, uslovima za sticanje činova i oznakama činova u policiji za vrijeme ratnog stanja ili u slučaju neposredne ratne opasnosti ("Službeni list RBiH", broj 18/93).

Član 14.

Ova uredba stupa na snagu danom objavljivanja u "Službenom listu RBiH".


V broj 87/95
30. maja 1995. godine
Sarajevo

Po ovlaštenju predsjednika
Vlade RBiH, predsjedavajući,
mr Faruk Smajilbegović, s. r.

Prilog broj 1.



BRIGADIR



PUKOVNIK



MAJOR

Prilog broj 2.



NADKAPETAN




KAPETAN



MINISTAR



ZAMJENIK MINISTRA



NADPORUČNIK



PORUČNIK



UKOVODILAC
SLUŽBE DRŽAVNE BEZBJEDNOSTI



SEKRETAR MINISTARSTVA
POMOĆNIK MINISTRA



ZASTAVNIK



GLAVNI NAREDNİK



NADNAREDNİK




NAREDNİK



VODNIK

Prilog broj 3.



Posebna podloga za
oznake dužnosti i činova



Širina grede za oznaku čina i
dužnosti je 33 mm, dužina 3 mm, a
debljina 1,5 mm



Promjer zvjezdice na oznakama čina
je 12 mm



Promjer zvjezdice za oznaku
dužnosti je 22 mm a širina vijenca je
4 mm

273

Na osnovu člana 11. stav 2. Zakona o vanjskotrgovinskom poslovanju ("Službeni list RBiH", broj 20/95), Vlada Republike Bosne i Hercegovine, donosi

ODLUKU

O UTVRĐIVANJU STAROSNE GRANICE ZA UVOZ, ODNOSNO UNOS MOTORNIH VOZILA

I

Pravno lice, domaće i strano fizičko lice, humanitarne i druge organizacije i ustanove iz oblasti društvenih djelatnosti, mogu uvoziti, odnosno unositi nova i, bez obzira na njihovu starost, polovna motorna vozila, i to:

1. traktore, cestovne tegljače za poluprikolice i ostala vučna vozila (osim vozila iz tar. broja 8709);

2. motorna vozila za javni prijevoz putnika;

3. osobne automobile i druga motorna vozila uglavnom konstruisana za prijevoz osoba, uključujući motorna vozila za kombinirani prijevoz osoba i robe (tipa karavan i dr.) i trkaće automobile;

4. motorna vozila za prijevoz robe;

5. motorna vozila za specijalne svrhe (napr. samoutovarna vozila, dizalična vozila, vatrogasna vozila, vozila s ugrađenim betonskim mješalicama, vozila za čišćenje cesta, vozila za prskanje ili posipanje, vozila pokretne radionice, pokretne radiološke jedinice), osim onih konstruiranih prije svega za prijevoz osoba ili robe.

II

Ova odluka stupa na snagu danom objavljivanja u "Službenom listu RBiH".

V broj 88
3. juna 1995. godine
Sarajevo

Po ovlaštenju predsjednika
Vlade RBiH, predsjedavajući,
mr Faruk Smailbegović, s. r.

274

Na osnovu člana 4. stav 4. Zakona o plaćama i drugim ličnim primanjima radnika ("Službeni list RBiH", broj 21/95), Vlada Republike Bosne i Hercegovine, daje

SAOPĆENJE

O NAJNIŽOJ PLAĆI ZA MJESEC MAJ 1995. GODINE

1. Vlada Republike Bosne i Hercegovine, na prijedlog ministra za izbjeglice i socijalnu politiku i ministra finansija-fiscijala utvrdila je najnižu plaću za mjesec maj 1995. godine u iznosu:

1) za preduzeća i druga pravna lica i samostalne privrednike iz člana 3. Zakona o plaćama i drugim ličnim primanjima radnika - 2.700 dinara;

2) za preduzeća i druga pravna lica iz člana 1. Zakona o plaćama i drugim ličnim primanjima - 2.100 dinara.

2. Ovo saopćenje objavit će se u "Službenom listu RBiH".

V broj 011-570/95

3. juna 1995. godine

Sarajevo

Sekretar

Vlade RBiH,

Safet Pašić, s. r.

SLUŽBENE OBJAVE

PROGLAŠENJE UMRILIM

Osnovni sud I u Sarajevu poziva ABAZ IBRU, sin Huse i majke Dragije, rođeno Zukić, rođen 6. 5. 1950. g. u selu Biševici, SO Rudo, da se javi ovom sudu u roku od 30 dana od dana objavljivanja oglasa.

U isto vrijeme poziva se svaka osoba koja ma šta zna o životu ili smrti Abaz Ibri, da se javi ovom sudu u istom roku.

Nestali Abaz Ibri, nestao je 1. 6. 1992. g. u šumi Vitin Grab kod Rudog, i ništa se ne zna o njegovom životu ili smrti.

Po isteku roka oglašavanja nestali Abaz Ibri sin Huse bit će proglašen umrlim.

(so-401/95)

SADRŽAJ

270 Zakon o poreskoj upravi	601	273 Odluka o utvrđivanju starosne granice za uvoz, odnosno unos motornih vozila	608
271 Zakon o plaćama i drugim ličnim primanjima radnika	603	274 Saopćenje o najnižoj plaći za mjesec maj 1995. godine	608
272 Uredba o činovima, uslovima za sticanje činova i oznakama činova u policiji za vrijeme ratnog stanja ili u slučaju neposredne ratne opasnosti	605		

Izdavač: Novinsko-izdavačka organizacija Službeni list RBiH - Sarajevo, Ulica Magribija 3 - Poštanski fah 3 - Direktor i odgovorni urednik Mehmedalija Huremović - Telefoni - direktor: 663-470, fax 663-470 - Redakcija i Pretplata: 663-471 - Računovodstvo: 651-257 - Poslovnica, Malta poslovanje i računa: 10100-603-639 za devizno poslovanje - Kompjuterska obrada: NIO Službeni list RBiH Sarajevo - Štampa: »OKO« dd sa p. o. Sarajevo - Za štampariju Rasim Rapa - Reklamacije za neprimljene brojeve primaju se 20. dana od izlaska lista.

Prema mišljenju Ministarstva obrazovanja, nauke, kulture i sporta broj: 08-114-4/95 od 13. 3. 1995. godine, službeno glasilo smatra se proizvodom iz člana 19. stav 1. tačka 12. Uredbe sa zakonskom snagom o porezu na promet proizvoda i usluga, za koje se ne plaća porez na promet proizvoda, a po mišljenju Ministarstva finansija broj 05-021-1768/95 od 28. 3. 1995. godine, prodaja službenog glasila ne spada u prodaju proizvoda koji služe krajnjoj ličnoj potrošnji, te ne podliježe plaćanju poreza trgovine na malo.